



KEMENTERIAN WILAYAH PERSEKUTUAN

Aras G-7, Blok 2, Menara Seri Wilayah, Presint 2, 62100 Putrajaya

Tel: 03-8889 7888 Faks: 03-8889 7957

Laman web: www.kwp.gov.my

SIARAN MEDIA

UNTUK LIPUTAN MEDIA MASSA

PROGRAM NUR RAMADAN 2015/1436H PARLIMEN SEGAMBUT & SETIAWANGSA, KUALA LUMPUR MERAIKAN WARGA KOTA YANG KURANG BERKEMAMPUAN

KUALA LUMPUR, 8 Julai 2015 – Kementerian Wilayah Persekutuan (KWP) dan Dewan Bandaraya Kuala Lumpur (DBKL) menganjurkan Program Nur Ramadan Bersama Warga Wilayah Persekutuan Kuala Lumpur bagi Tahun 2015/1436H bermula pada 23 Jun 2015 hingga 9 Julai 2015. Program yang diadakan di semua Parlimen Wilayah Persekutuan Kuala Lumpur ini akan dihadiri sendiri oleh YB Menteri Wilayah Persekutuan, Datuk Seri Utama Tengku Adnan bin Tengku Mansor bersama YBhg Datin Seri Utama Datuk Anggraini Sentiyaki dalam mengimarahkan bulan Ramadan yang mulia ini.

2. Program Nur Ramadan yang telah dilaksanakan sejak tahun 2009 dengan kerjasama rapat dari Pusat-Pusat Khidmat Masyarakat ini merupakan program rasmi tahunan KWP dalam usaha mengeratkan silaturrahim antara pihak KWP dan DBKL bersama warga Wilayah Persekutuan Kuala Lumpur dengan lebih dekat lagi. Objektif utama penganjuran program ini adalah untuk memperkukuh dan memperkayakan interaksi antara pihak kerajaan dengan warga kota dalam menerapkan nilai rasa kasih sayang dan prihatin khususnya kepada golongan susah dan mereka yang kurang berkemampuan.

3. Seramai 1000 orang di Parlimen Segambut (500 orang) dan Setiawangsa (500 orang) yang terdiri dari anak-anak yatim, warga emas, ibu tunggal, OKU dan mereka yang kurang berkemampuan menerima sumbangan wang tunai RM150.00 dari KWP dan Majlis Agama Islam Wilayah Persekutuan (MAIWP) pada hari ini. Mereka juga turut menerima sumbangan barangan keperluan asas lain seperti beras dan gula dari Yayasan Al-Bukhary, kain pasang sumbangan JAKEL serta kain batik dan kain pelikat sumbangan Yayasan Kesejahteraan Bandar. Masjid Al-Imam Al-Ghazali, Bandar Sri Menjalara dan Surau Al-Taqwa, Setapak masing-masing menerima sumbangan RM10,000.00 dari Yayasan Wilayah Persekutuan untuk perbelanjaan menaiktaraf kemudahan asas masjid dan surau.

4. Program Nur Ramadan yang diadakan ini dapat mencetuskan semangat muhibbah antara masyarakat dan melahirkan rasa bersyukur kepada Allah S.W.T terhadap nikmatNya. Adalah diharapkan melalui penganjuran program Nur Ramadan pada kali ini akan memberi impak yang besar dalam penglibatan rakyat secara umum serta memberi peluang kepada mereka untuk menyertai setiap aktiviti dan program yang dianjurkan bagi mengimarahkan suasana Ramadan dan memeriahkan Aidilfitri yang bakal menjelang.

Disediakan oleh:

**BAHAGIAN KOMUNIKASI KORPORAT
KEMENTERIAN WILAYAH PERSEKUTUAN
KUALA LUMPUR**

8 Julai 2015